



Inatsisartunut Ilaasortaq  
Ruth Heilmann, Siumut

## **Meeqqat illersuisuat pillugu § 37 malillugu apeqqut**

Asasara Inatsisartunut ilaasortaq Ruth Heilmann

Meeqqat illersuisuat kiisalu siusinnerusukkut meeqqat inuusuttullu pillugit ilisimasaqarfik, MIPI pillugit apeqqutigisannut nassiunneqartunut qujanaq.

Aallaqqaasiullugu matumuuna oqaatigineqassaaq Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. november 2011-meersoq ulloq 1. marts 2012-imi atuutileremat.

## **Apeqqut 1: Tamatta inatsisartuutitat pingaartillugu akuerisarput "Meeqqat illersuisuat", sulilluni 1. marts 2012 aallartittussaagaluartup aallartingitsoorneranut suut peqquataappat?**

Akissut:

Meeqqat illersuisuattut atorfik inuttassarsiuunneqareerpoq tamatumalu kingornatigut inuttassarsiuuteqqinneqarluni, qinnuteqaateqartut amerlanerulersinniarlugit.

Oqaatigineqarsinnaavoq inuttassarsiuusseqqinnermut qinnuteqaatit 19-it tigueqarmata qinnuteqartullu arlallit atorfinitsitsiniarluni oqaloqatigiinnissamut 2012-imi martsimi pisussamut qaaqquneqarmata. Taamaalereerpat naatsorsuutigineqarpoq Naalakkersuisut ukiunut pingasunut atuuttussamik Meeqqat illersuisussaannik toqqaajumaartut, takuuk Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat nr. 11, 22. november 2011-meersumi § 4.

Meeqqat illersuisuata 1. marts 2012-imi sulilnginneranut taamaalilluni pissutaavoq suli Meeqqat illersuisussaannik atorfinitsitsisoqarsimanginnera. Naalakkersuisut pingaartilluinnarsimavaat inuk meeqqat illersuisussaattut toqarneqartoq taamatut sulissaguni eqqorluinnartunik piginnaasaqassasoq periarfissaqarlunilu.

## **Apeqqut 2: Meeqqanut illersuisumut aallartingitsoortumut taarsiullugu ippassaq MIPI pisortatigoortumik persuarsiutaalluni atorunnaarsinneqarpoq.**

**Sooq taamatut Naalakkersuisunit ulapputaatigaa MIPI-p tunuartinnissaa uffaluunniit suli illersuisussamik aallartitsisoqanngitsoq ?**

Akissut:

Ulloq: 21. marts 2012  
Sagsnr.  
Dok. Nr.848451

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaat 1. marts 2012-imi atuutilerpoq § 25-milu imm. 2 malillugu Meeqqat Inuusuttullu Pillugit Ilisimasaqarfik pillugu Inatsisartut inatsisaat nr. 26, 18. december 2003-meersoq peqatigitillugu atuukkunnaarsinneqarluni.

### **Apeqqu 3: Meeqqat illersuisuannut ikaarsaariarnermi Soq MIPI Naalackersuisunit atorluassallugu eqqarsaatigineqarsimangila?**

Akissut:

Siusinnerusukkut Meeqqat inuusuttullu Pillugit Ilisimasaqarfimmi sulisuusut meeqqat piginnaatitaaffiinik suliffeqarfimmut nooreerput suliassallu § 8, imm. 3-mi allassimasut ilisimasaniq siammarterinermut tunngasut suliarisarallassallugit.

Oqaatigineqassaaq Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaanni § 25, imm. 3 malillugu Meeqqat inuusuttullu Pillugit Ilisimasaqarfiup suliassai meeqqat piginnaatitaaffiinik suliffeqarfiup allattoqarfiani Meeqqat Inuusuttullu Siulersuisoqarnerat pillugu ilisimasaqarfimmi aalajangiunneqartut ingerlaqqissammata, tassa Meeqqat pillugit Siunnersuisoqatigiit meeqqat piginnaatitaaffiinik suliassaqarfiup ukiumoortumik sammisassanik sulissutigisassanillu Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaanni § 14, imm. 1 malillugu aalajangersaareernissaanut.

Taamaaliornikkut qulakkeerneqassaaq suliassat siusinnerusukkut Meeqqat inuusuttullu Pillugit Ilisimasaqarfimmi aallartinneqarsimasut naammassineqarnissaat ukiullu ingerlaneranni ilisimasat katersorneqarsimasut toqqorneqarlutik.

Taamaalilluni siusinnerusukkut Meeqqat inuusuttullu Pillugit Ilisimasaqarfimmi sulisuusimasut Meeqqat Illersuisuannut nutaamut aamma Meeqqat pillugit Siunnersuisoqatigiinngortussanut Meeqqat inuusuttullu Pillugit Ilisimasaqarfimmit nuunnermi iluaqutaassaaq.

### **Apeqqu 4: Qaqugu Naalackersuisut naatsorsuutigaat Meeqqat illersuisuata pilersinneqarnissaa pissasoq?**

Akissut:

Apeqqu 1-imut akissut innersuussutigineqassaaq.

### **Apeqqu 5: Politikikkut attuumasuunniginnaasanik Naalackersuisut oqartarnerat sumit tunngaveqarpa? Uffa Naalackersuisut ataani "Meeqqat illersuisuat "inaalinneqartoq aammalu siulersuisussat Naalackersuisunit toqqarneqartussaallutik.**

Akissut:

Inatsisartut aalajangiisimapput meeqqat piginnaatitaaffiinut suliassaqarfiup, tassaasussap Meeqqat Illersuisuat, Meeqqat pillugit Siunnersuisoqatigiit Allattoqarfimmi, pilersinneqarnera Naalackersuisut ataanni suliarineqassasoq, Meeqqat Illersuisuat aamma Meeqqat pillugit Siunnersuisoqatigiit pillugit Inatsisartut inatsisaanni § 3 malillugu. Taamaattoq maluginiaqquneqassaaq, takuuk § 3, imm. 2, meeqqat

piginnaatitaaffiit suliaqarfik naalakkersuinikkut pituttugaassanngimmat Meeqqat Illersuisuannillu pisortaaffigineqassalluni.

Naalakkersuisut ataanni naalakkersuisoqarfimmuq attaveqarnera aqqissuusaanikkut pisariaqartitanik pissuteqarpoq. Allat naalakkersuinikkut attaveqarfeqaratik pisortat suliffeqarfiutaat siunnersuisoqatigiit ataatsimiititali aalajangiisartut taamatuttaaq aqqissuusaanermikkut Naalakkersuisut ataanni naalakkersuisoqarfimmuq aqutsisoqarfimmulluunniit attaveqartitaasarput, pisariinneruniassamat.

## **Apeqqut 6: Kommunit Kanukokalu sutigit suleqatigineqarnissaat takorloorneqarpa?**

Akissut:

Meeqqat piginnaatitaaffiit suliaqarfiup nutaap kommuninik KANUKOKA-millu suleqateqarnera Meeqqat Illersuisuata aamma Meeqqat pillugit Siunnersuisoqatigiit suliaqarfigaat, Naalakkersuisut suliaqarfiginagu.

Taamaattoq Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaanni killiliussat iluanni suleqatigiittoqassaaq.

Naggasiullugu oqaatigineqassaaq Naalakkersuisut qilanaarimmassuk Meeqqat Illersuisuannik aamma Meeqqat pillugit Siunnersuisoqatigiinnik toqqaasoqarnissaa taamaalilluni kalaallini inuiaqatigiinni meeqqat piginnaatitaaffiit suliaqarfik piviusunngortinneqarnissamat.

Ilisimatitsissutigissavara Meeqqat pillugit Siunnersuisoqatigiinnut ilaasortassanik inassuteqartarneq toqqaasarnerlu pillugit nalunaarutissamat siunnersuut tusarniaassutigalugu nassiussuunneqareemat.

Naalakkersuisut qilanaaraat Meeqqat pillugit Siunnersuisoqatigiinnik nalunaarutissat inassutigineqartullu piareeriarpata toqqaasoqarnissaa.

Inussiarnersumik inuulluaqqusillunga

Mimi Karlsen